

ganumerosis nominibus & novis quacumque incedit insignis, *Imaus* primâ parte dictus, mox *Emodus*, *Paropamisus*, *Circius*, *Chambades*, *Pharphariades*, *Chroates*, *Oreges*, *Oroandes*, *Niphates*, *Taurus*: Atque ubi se quoque exsuperat, *Caucasus*: tibi brachia emittit, subinde tentanti maria similis *Sarpedon*, *Coracesius*, *Cragus*, iterumque *Taurus*. Vbi verò sese aperit, *Pylarum portarumque* nomine unitatem sibi vendicat, quæ alibi *Armenia*, alibi *Caspia*, alibi *Cilicia* vocantur. Ejus latitudo plerisque in locis est stadiorum trium millium: longitudo tanta, quanta ipsius Asiæ, utpote stadiorum 45 millium: hoc est milliariū Italicorum 5625, ab orâ scilicet Rhodiensi ad extremos usque Chinæ & Tartariæ fines. Sed de his satis. Ad Opera publica trāseō, quæ sanè inprimis superba & magnifica habuit, atque inter septē Orbis miracula numerata, vel merirò numeranda. Inter quæ primū occurrit *Babylonis muri*, quos Semiramis condidit, aut saltem ruinosos instauravit, coctili latere & bitumine ferruminato, duenos quidem pedes altos, quinquagenos lātos, adeò ut quadrigas inter se occurrentes reciperent, turreſque haberent trecentas, plures multò habituri, nisi aliquā ex parte Paludes pro mœnibus fuissent. Cui tanto tamque protentoso operi adhibita feruntur trecenta hominum millia. Herodotus author est, muros Babylonis habuisse crassitudinem quinquaginta cubitorum regionum, celsitudinem ducentorum. Per ambitum centum portæ stabant aræ. *Templum Dianæ Ephesiæ* factum à totâ Asiâ ducentis & viginti annis, ut testantur Historiæ. Hoc autem in solo palustri fecere, ne terræ motum sentiret, aut hiatus timeret. Et ne in lubrico & instabili tantæ molis fundamenta locarentur, ante calcatis ea subtravere carbonibus, deinde velleribus lanæ. Templi longitudo erat 425 pedum, latitudo 220. Columnæ in eo centum viginti septem à singulis regibus factæ, ex quibus 36 erant cælatæ. Operi præfuit Ctesiphon. Fuit & *Sepulchrum* quod *Artemisia* regina Carîæ Mausolo marito defuncto erexit, inter Orbis Miracula adnumeratū, cujus altitudo attollebatur 25 cubitis: cingebatur columnis triginta. Parebat ab Austro & Septemtrione pedes 63. Atque hæc inter Orbis miracula recensentur. Fuit denique magnificum illud *Templum*, quod anno regni sui quarto ædificare cœpit Salomon, non immeritò septem Orbis miraculis adnumerandum. Triginta inprimis hominum millia cædendis arboribus, ut Cedris & Cupressis fuere in Libanum destinata. Lapidarum verò extiterunt octoginta millia. Latitudo Templi fuit vicensimū cubitorum. Sexagenū longitudo, altitudo fornice distinctâ centenū & vicensimū. Inferioris structuræ materia erat ex candenti lapide. Amplitudo vestibuli denū cubitorum. Cellæ erāt vicinæ pervio inter se usu, aliæque his suppositæ. Trabes erant Cedring, Cedrina concameratio, auro illita, ut parietes omnes. Sanctior locus à reliquo Templi corpore distinguebatur muro, in quo erant januæ sculptæ, vela ductilia, variis mæandris & floribus intexta. Duō Cherubini ex puro auro. Pavimentum pedalis aureis instructum. Januæ vicensimū cubitorum altitudine auro coruscantes. Ante vestibulum erant duæ columnæ æneæ xvii i cubitorum altitudine, ambitūque duodecim. Erat & vas æneum tantæ magnitudinis, ut ab re nominatum sit mare, quod vituli duodecim diversas mundi plagas, terni singulas prospectantes circumstabant. Fuit vas illud trium millium batorum capax. Erant & aliæ figuræ, quas longū esset recensere. Altare fuit arcum denū pedū altitudine, longitudine duplo majore. Item mensa una aurea. Phialarum & aurearum paterarum decem millia. Sed hæc de hac Orbis Portione dicta sufficiant: ad Americam quartam Orbis partem tranſeō.

Opera publica.